



ЯМДЕ ЛИЙ

ВЛКСМ МАРОБКОМЫН ОРГАНЖЕ:

ГАЗЕТ АК: идалыккан 2 т. 16 ыр.
пел ийлан 1 т. 8 ыр.



ТУНЕММЕ ИЙ ПЫТЫШ, КАНИКУЛ ТҮҢАЛЕ. ШКОЛЬНИК-ШАМЫЧ, ВЕСЕЛАН КАНЫЗА!

РЕДАКЦИЙЫН КАҢАШЫЖЕ

ОТРЯДЛАН ИДАЛЫК МУЧКО ПАШАМ ЫШТЫМАН

Школлаште испытаний пытыш. Тунемше-шамыч каникулыш канаш кайышт. Каникул жапыште сайын канен моштет гын, шуко вийым погаш лиеш, а вара адалат сайынрак тунемаш тунгалат.

Каникул годым канымашым кузе организоватлыман? Тыгай йодыш редакцийыш чучкыдынак пура. Южо отряд вожатый-шамыч кенже жапыште пионер пашам кузе ыштышаш нерген огыт шинче. Кенжежым пионер отряд пашам ыштыман огыт, манын йонгылыш шонышо-шамычат улыт.

Кенжеж жап—отрядлан пашам ышташыже эн сай жап. Эгер воктен пугешествий дене каен, тудым исследоватлаш, военный техникын чыла правилже почеш военный модмашым организоватлаш, шке вожатый дене пырля чодраш каяш, палаткым шупшаш да икмын-яр кече илаш, чодраште илыше-шамычым эскераш могай сай паша! Отряд коргышто але вес отряд дене соревнованийым эртараш, оборонный значоклан нормым сдатлаш кенжеж жап—эн келшыше жап.

Тыгак отряд пеш шуко турлө моло пашам ыштен кертеш. Но шуко отряд-шамыч тидым огыт ыште. Кенжеж жапыште отрядшат шалана. Йоча-шамыч шыже марте посна-посна перный коштыт. Тыгай порядкым йоршынак пытарыман. Отрядлан чумыр идалык мучко пашам ыштыман.

Шуко отрядлаште южо йоча-шамыч каникуллан ордышкө каят. Тыгай отрядлаште пашам кузе ышташ?

Вара тиде пионер илышыште чаракым ыштен кертеш мо? Отряд иземын, но отрядак кодын. Тудын лумжат, номержат, знамяжат, барабанжат кодыныт. Изи отрядат кугу отряд семынак пашам ыштен кертеш.

Торашке монтгышыкт кайше йоча-шамыч колхозышто звенам организоватлат. Звенаш турлө класслаште тунемше турлө йоготан йоча-шамыч логалыт гынат, тыште нимогай шучкылык ок лий.

Отрядлан кужак чумыргаш? Школ кенжежлан петырна, но пионер-шамычлан тудо ик-кок полемым пуде ок керт. Тыгак колхозный клублашке погынаш лиеш.

Кенжеж жаплан торашке (уналыкеш мойын) кайше-шамычлан мом ышташ?

Нуно ег илыдыме пустыныш огыт кай. Кушко нуно каят, чыла вереат пионерский отряд, форпост-шамыч улыт. Йоча шамыч кенжежым тушто шоген кертыт. Пионер-шамыч керек могай тораште лийыт гынат, шке отрядышт дене кылым кучыман. А шыжым адалат дружный пионер еш чумырга да пионер-шамыч первой сборыштак кенжежым кузе эртарымышт нерген отчетым пуат. Школласе старший вожатый ден отряд вожатый-шамычлан отрядым погаш да торашке кайышаш шамычым пален налашышт кӱлеш. Нунылан кенжеж жапыште мом ышташ кӱлмӱ нерген наказым пуман. Монтгошышт кодшо-шамыч дене каникул жапыште пашам кузе ыштышаш нерген кызытак канашыман.

КАП-КЫЛНАМ ТАЗАНДЕНА

Тунемме ий пытыш. Ынде ушнам кандарена, кап-кылнам тазандена. Кызыт „Олык нур“, „Шанче“, „Кожланур“ колхозласе йоча-шамыч тӱшкан кол кучаш, йуштылаш, модаш коштына. Йоча-шамычлан колхозник-шамыч спортивный площадкым ыштен пуышт. Ме куанен модына. Колхозник-шамыч коклаште газетым лудына. Пырдыж газетым лукташ полшена. Мый „Шанче“ колхозышто редколлегий членлан шогем. Ныл номырым луктынна. Газет лукчылан ик номер лектеш. Шкелан колхоз пасушто шукшудым курына. Шефыш налме колхоз имным йуштылаш, пукшаш коштыкте-на. Пожарын зиянже нерген изи йоча-шамыч коклаште умылтарена.

Морозов Л.

Арын пеле кыдалаш школышто тунемше, Морко район.

МЕМНАН ШОНЫМАШНА

Тунемме ийым пытарышна. Ынде кенжеж каникулышто ушнам кандарена. Сталинский Конституций канаш пеш кугу правам пуэн. Тиде правам сайын шуктышашкан чыла условийым ыштыме. Шудӱ дене пионер лагерь, площадке, чапле сад, чодра, олык, кумда колхоз пасу—чылажат мемнам вучат.

Мемнан Арбан пеле кыдалаш школысо пионер отрядыште 4 звена ыле. Нине звена-шамыч теле гоч пашам сай ыштышт. Кенжеж жаплан 25 йоча дене пионер отрядым почмо. Вожатыйлан примерный пионер Чулков Иваным сайлыме.

Историй дене телым тунеммынам пентгыдемдашлан ме каникул жапыште музейш кайнена. Газет кузе ыштатлым палаш йошкар - Ола типографийыш толнена. Кинош, театрыш организовани коштына. Ялешна спортивный площадкым почына, волейболым, крокетым налына. Кажне пионерат оборонный значекан лийман. Ме оборонный значеклан нормым сдатлышым кумдан организоватлена.

Кызыт шкелан колхоз пасушто йук-шудым курына.

Александров Илья.

Арбан пеле кыдалаш школ, Йошкар-Ола район.

Отряд мом пунчалын

Нолядур тунгалтыш школысо (Йошкар-Ола район) пионер отрядыште умыште 20 пионер веле ыле. Тунам вожатый пашам пеш начар ыштен. Вожатыйлан мыйым сайлымек уло вием дене пашам виягдаш пижым. Отряд кушкаш тунгал. Кызыт тушто 30 пионер уло.

Кенжеж каникулыш каймеч очычак отряд сборышто кенжеж каникулым эртарыме нерген канашен нална. Отрядыште пашам идалык мучко ыштен шогаш манын решитлышна. Пионер шамыч оборонный значоклан нормым сдатлаш, спортивный площадкым ыштен, баскетболым, волейболым, крокетым налаш ойлышт.

Чегает Н. Г.

Нолядур тунгалтыш школысо пионер отряд вожатый.



Сӱретыште: Морко кыдалаш школышто тунемше стилистик-шамыч. Шола тыч пурлашке 6-шо классым пытарыше Вера Солдаткина, 4-ше классым пытарыше Галия Деминцова, Вася Матвеев. Фото Дмитриевскийн.

КАНЫШЫМ МОШТЕН ЭРТАРЕМ

Мыйым каныме жапем эргыч кас марте эре яндар южышто эрта. Чодраште, олыкышто турлө пеледышым, насекомый-шамычым погем. Чевер кече годым йуштылам, колым кучем. Мыйым изи библиотечкем уло. Тушто 20 наре рушла да марла книга - шамыч улыт. Руш кугу поэт А. С. Пушкинын „Капитанская

дочка“ книгажым эн чот йӱратен лудам. Адак кинош, спектаклыш коштам. „Ямде лий“. „Рвезе коммунист“, „Марий коммун“ газет-шамычым налын, лудын шогем.

Веденкин Максим.

Тошто-Тор'ял пеле кыдалаш школышто тунемше. У Тор'ял район.

АЙ, МОГАЙ ВЕСЕЛА!

Помар пеле кыдалаш школышто тунемше-шамыч каныме жапым пеш веселан эртарат. Кажне кечын волейбол, футбол дене пеш йӱратен модына. Модына физкультурник Сергеев Г. И. сайын вуйлата.

Библиотекеште шахмат, шашке дене турнирым эртарена. Гармоньым, патефоным шоктена. Турлө газетым, жуналым, книгам куанен лудына.

Казаков Йыван.

Звенига район.

Гербарийым ыштем

Мый каникулым сай эртараш тунгалым. Кызыт олыкышто турлө пеледышым погем. Тудын дене гербарийым ыштем. Иолташем-шамыч дене пырля кол кучаш, йуштылаш коштына.

Загайнова Зоя.

Юледур колхоз, Ронго район.

Тӱшкан чодраш коштына

Ме, Сенькан тунгалтыш школышто тунемше шамыч, организовано чодраш, олыкыш экскурсий дене коштына. Адак гербарийлан турлө шудым погена. Эрдене зырядкым ыштена.

Петров Ф.

Лагерьыште канаш тунгалыт

Проверочный испытаний пытыш, кенжеж каникул шуо. Испытанийым „отлично“ да „хорошо“ сдатлыше-шамыч лагерьыш каяш тунгалыч. Теве мемнан школысо сай тунемше Жуков Йыван, Алексеев Петр, Никифоров Йыван, Тойдыганова Ч., Тихонова М., Васильева О., Микубаева Т., Гаврилов А. да Бойкова Мария „Таир“ лагерыш канаш каяш палемдалтыныт.

Сергеев Саню.

Корамас пеле кыдалаш школ, Сотнур район.

РСФСР Верховный Совет депутатыш кандидат-шамыч

Василий Михайлович Архипов Иошкар-Олинский городской 668 №-ан избирательный округ

Иошкар-Оласе учрежденный, предприятиеласе да учебный заведенийласе предвыборный погынамаш-шамыч Иошкар-Олинский городской избирательный округ гыч РСФСР Верховный Совет депутатш кандидатлан ик йук дене Василий Михайлович Архипов йолташын кандидатуржым выдвигатлышт. Тыгак Иошкар-Ола, Морко, Сотнур да Звенига районсо колхозник - шамыч пунчалыныт. Шемер - шамычын йодмыштым шуктен, окружной избирательный комиссий Архипов йолташын кандидатуржым регистрироватлен. Тудо мемнан республикысе партийный организацийым вуйлата: ВКП(б) обкомын первой секретарь обязанностям шуктен шога.

Василий Михайлович калыкын ушанжым честь дене шукта, садлан избиратель-шамыч тудын верчшке йукнам ик ег семын пуена манят.

Тудо але кумло ияш велен.

Тимофей Ильич Кавалеров Козмодемьянск оласе 671 №-ан избирательный округ

Козмодемьянск оласе пашазе ден служащий-шамыч РСФСР Верховный Совет депутатыш кандидатлан шкеныштын избирательный округышт гыч Тимофей



Ильич Кавалеров йолташым палемдышт. Тунамак тиде ойым Юринысе коваште завод пашазе-шамыч, Юрино, Кырык-Мари да Еласал районласе колхозник - шамыч руалтышт. Нунын общий погынамаштын луко пунчалым ончен, окружной избирательный комиссий Кавалеров йолташын кандидатуржым регистрироватлен.

РСФСР Верховный Советын депутатше лияш Тимофей Ильич достойный кандидат. Тудо комсомол радамеш шуаралт кушкын. 1929 ий гыч ВКП(б) членлан шога. Комсомол пашам, газет пашам ятыр ыштен. Москосо КУТВ-м (Коммунистический университет трудящихся востока)

Производствышто изи-некак пашам ышташ туна-



лын. 1925 ий марте типографийыште наборщиклан пашам ыштенат, комсомольский, партийный пашаш выдвигатлышт. Кучык жапыштак республик партийный организацийым вуйлатымашке шуын. Шемер калыкын тушманже-шамыч вастареш Архипов йолташ чакныде кучедал толеш.

тунем пытарен. Тулеч вара ВКП(б) Марий обкомын школ отделжым вуйлатен, а кызыт печать отделым вуйлата.

Т. И. Кавалеров — пеш чуткий да кажне дек внимательный ег, тушман-шамычым чакныде шалатен погышо большевик.

Шудӧ процент избиратель голосоватлен

12 июнышто шке республик Верховный Советш депутат-шамычым сайлыше Армянский калыкын илышыштыже исторический кече эртыш.

Ереван оласе 1 № СК избирательный округ 4-ше участковый избирательный комссий председатель Варшам Аршакович Арутюнян йолташ микрофон деке толеш. Тудо куанымашан йук дене эфирыш увертара.

— Путьнь тунясе шемер шамычын гениальный вожь кугу Сталин баллотироватлатме, Ереван ола 1 № СК избирательный округын илышме участкыштыже Армянский ССР Верховный Советш сайлымаш пытыш. Чылаже 1252 избиратель гыч голосованыште 1252 ег участвоватен.

— Тылеч посна мемнан участкыште Арменийн турло районлаже гыч толшо 233 избиратель участвоватлен.

4-ше участкысе избиратель-шамыч голосованыште шудӧ процент участвоватлен, путьнь армянский калык ончылан, ушемсе чыла калык ончылан шкеныштын коммунистический партийлан да тудын гениальне вуйлатышыже йоратме Сталин йолташлан преданностьштым ончыктеныт.

Положенийым лудын шогем

Мый шке ешемлан РСФСР ден Марий АССР Верховный советш сайлыме нерген положенийым лудын шогем. Тугак международный положений нергенат газет гыч лудам.

В. Загайнов.

Кужмарий пеле кыдалаш школ Ронго район

А. М. Горькийын колымыжлан кок ий темеш

Йоча-шамычын эн лишыл йолташышт

Кугу советский писатель Алексей Максимович Горький колымылан весерла, 18-июнышто кок ий темеш. Кугу талантан айдемым, йоча - шамычын эн лишыл йолташыштым ме нигунамат огына мондо. Тудо мы-

ланна пеш шуко чапле кнага - шамычым возен коден.

Горький йоча-шамычым пеш чот йоратен. Йоча-шамычлан колтым ик письмаштыже тудо тыге воза:


„Мый йоча - шамыч дене модаш пеш чот йоратем, тиде мыйын тошто привычек: мый иктаж лу ияш улмем годым изи шольым онченам—тудо колен; вара адак кок йочам онченам, да адак, пытаргышлан, коло ияш улмем годым, мый шке илыме урем гыч пайрем годым йоча-шамычым чумырем да кече мучкылан чодраш нангаем ыле...

Кудыт марте але лу наре йоча лиш ыле. Нуно изи, кудыт гыч лу ияш марте лийыныт. Чодраште куршталытат, ноят, вара мӧнгышкат йолын каен огыт керт ыле.

Но мыйын тидлан лумын ыштыме креслом лийын. Мый тудым тупешем да вачешем кылдем ыле, тушко йоча - шамыч шинчыт вара нуным пасу дене сайын мӧнгышкӧ нумал каем-Чудесно!..“

Горький йоча-шамыч деч, шуко серышым наледен.

нунылан кангашым пуден. Тудын кангашыже почеш ик кана игоревский йоча-шамыч Игоркысо илыш нерген ойлымаш кнагам возеныт. Кнагам возымаште шудӧ утла йоча-шамыч участвоватленыт. Но кна-



гам возен пытармешке Алексей Максимович колен.

Алексей Маскимович але шуко ий илен кертеш ыле. Фашизмын троцкистско бухаринский агентше-шамыч тудын илышыжым луыч курлыныт. Совет калык шакше тушман кашаклан учым шуктыш: нуным мланде умбач уштылмо.

„Артекыш“ кайышт

6 июнышто Марий АССР гыч Всесоюзный пионерский лагерьыш — „Артекыш“ 7 пионер каен. Нуно турло верла гыч улыт. Шукышт детдомлаште илен. Теве нуно: Макаров Алексей—Люльпан детдом (Оршанке район), Домрачев Иван—Ежовский детдом (Иошкар-Ола район), Горбунова Таня—Сурский детдом (Еласовский район), Садриева Мнувира—Параньга детдом.

Канаш кайше-шамычын чурийыштышт мучашдыме куанымаш. Вет нуно уло тувян шинчыме, каныме верыш—Крым полуостровыш каят, адак вет Совет Ушемын шумжым—Москвाम ужыт! Тышке логалаш пеш кугу пиял. Нуно вет кокла шот дене тунемше огыт ул, чыланат отличник, тале общественник улыт. Нуным ятыр кана шергакан полбк дене премироватленыт. Теве Макаровлан гын премийлан костюмым налын пуэныт.

— Мый „Артекыште“ кум оборонный значеклан нормым пуаш шонем,—манеш Горбунова Таня.

— Мыйт тугак Адак экскурсийыш, походыш коштам,—Козмодемьянск гыч толшо Васильев Борис ойла.

Федотов И.

Йоча-шамычлан мыйын оем

И. В. Мичуринын статьяже

Йоча-шамыч, Октябрьский революций мыланна пеш кумда корным лочын. Тудо природым сенгеме пашаште уш ден физический виийым кучылташ пеш кугу йӧным пуэн.

Мыйын илышем садыште эрта. Садланак темдан уло вниманьдам ужар растений дене паша ыштымашке, калык озанлыкын эн кӱлеш отрасльжым—садоводством вияндыме пашашке ушынем.

Мемнан правительстве промышленный садоводством шараш чот тырша. Мемнан эллан плодоягодный, огородный да бахчевой растенийын нӧшмыжӧ пеш кӱлеш. Тиде шотышто, йоча шамыч, шуко пашам ыштен кертыда. Теве олмам, грушым, сливым, вишным, киярым, арбузым, дывным кочкыда. Нунын нӧшмыштым лаканыш кышканы огыл, ашколышкондаш кӱлеш. Мый чыла пионер, школьник-шамычлан кажне ийын теве мом обязательно погаш кӱлешлан шотлем: олмам, грушын, вишнын

Кум ий ӧжно, 7 июнышто кугу ученый-садовод Иван Владимирович Мичурин колен. Мичурин йоча-шамычым пеш пагален. Садоводство шотышто шуко сай ойым пуэн. Тугак пионер газетлашке шуко статьям возен. Таче ик статьяжым „Ямде лий“ газетеш печетлена.

сливын кычкыштым 100 грамм дене, але шоптырын, снегын, ыныжын, ежевикын нӧшмыштым 10 грамм дене; киярын, дынын, арбузын, йошкар ушменын нӧшмыштым 400 грамм дене; кешырын, ковыштан, ревын нӧшмыштым 200 грамм дене, паренгын нӧшмыжым 1 гр. дене да пеш шуэн лийше нӧшмылык олмам.

Йоча-шамыч, те шинчышаш улыда, вет кунар шуко нӧшмӧ лийеш, тунарак шуко удымаш, шуко питомник сай результатан лийнаш улыт.

Но нӧшмым погымаш—пел паша веле. Культур-

лан у растенийым кычалмаш пашам обязательно самдыман. Вет мемнан элыште у растений-промышленностьлан, шемер калык-лан кочкашыже да ола-шамычым ужартышашлан кӱлеш. Мемнан чодра, курык да степ налын пытарыдыме растительный поянлыканы улыт. Тиде поянлыкым мыланна культурандаш кӱлеш.


Дальний востокусо, Тайгасе, Алтайысе, Ферганысе Памирысе, Кавказысе, Степной украинласе тунемше-шамычлан учитель да комсомолын вуйлатымышт почеш шке изи экспедицийышт дене у плодовой, ягодный, злачный, технический да лекарственных растенийым эре кычалман.

Йоча-шамычын тиде разведческий пашашт мландым уэмдыме нерген кугу вожь Владимир Ильич Ленинын заветшым шукташ полшен кертеш.

Тиде заветым сайын шукташда шокшын желатлем.

Темдан Мичурин.

„ТАИРЫШТЕ“ ИЛЫШ ШОЛАШ ТҮНГАЛЕ



Пиялан совет йоча-шамычлан канашышт эл мучко тўжеш дене пионерский лагерь - шамыч улыт.

Чодра кокласэ сылне „Таир“ ер воктене мемнан республикысе пионер шамычын лагерьышт лўшка. Тушто ий йыда шўдд дене отличник, сай общественник шамыч канат.


12 июньышто лагерь ўмбак флаг нўлталте. Лагерь тенййсе шке сезонжым тўнгале.



ИК ЕШЛА ИЛЕНА

Мыйым школ дирекций ден пионер организаций сай тунеммемлан республиканский пионер лагерьыш — „Таирыш“ колтышт. Тыште первой мыйын палыме йолташ - шамычем уке ылыч. Варажым кажне кечын икте, весе дене палыме лияш тўнгальым. Пырля модаш тўнгална. Йошкар Олагыч толшо пионер Вершинин эн сай йолташем лие. Тыге ме руш, татар, марий-шамыч кажне кечын пырля келшен илымашым пенгыдемдышна. Кызыт ик ешла келшен илена. Пырля модына, йўштылына, кочкина, кружоклаште пашам ыштена. Мемнан коклаште интернациональный связь пенггыде.

Казанцев Федя.



Лагерьыш — канаш!

Эр могайе сылне,
Кече шыргыжеш,
Теве сатер валне
Чинчыла коеш.

Чолга Эчу шольым
Грамотым кучен.
Тунем лектын школым —
Лагерьже вучен.

Шольым його огыл,
Тыршен тунемаш.
Вуйым шупшын огыл
Весылан полшаш.

Авто кычкыралын
Тольо ужаташ.
Кайыш Эчу шольым
Лагерьыш канаш.

Сайын кане, шольым,
Пенггыдем толат.
У тунемме ийым
Чаплын вашият.

ЧАЛАЙ ВАСЛИЙ.

ФЛАГ НЎЛТАЛТЕ

12 июнь. Кечывал жап. „Таир“ — республиканский пионер-шамычын лагерьышт — йоча-шамычын йўкышт дене лўшка. „Южо вере „Ура! кычкырат. Хе-хе-хе!“, — воштылмо йўк шокта. Тиде йоча-шамыч весела модыш дене модыт. Адак волейбол перыме йўк „бронз“ шоктен шергылтеш. Теве ик тўшка йоча-шамыч пуш дене коштыт. Шукышт площадкыште улыт, тўрлў модыш дене модыт. Веселан танцоватлымым ужын, кумыл нўлталтеш.

Таче йоча-шамыч чыланат у вургемым чиенят. Тусышт мучашдымын куанышан. Нунын таче пайрем — „Таир“ лагерьым почмо кече.

Кечывал кочкиш деч вара горн йўк шоктыш. Тудо линейкыш чумыргаш увертара.

Отряд-шамыч шке верыш-

кышт шогалыч.

— Отряд, смирно! — вожатый-шамыч шке отрядыштым тўрлат.

Лагерь шыпланыш. Вожатый-шамыч шке верыштышт улыт.

Столовой могырым тумыр да горн йўк почеш знамям нумалын дежурный звена толеш. Нуно трибуныш кўзат.

Изиш лиймеке отряд вожатый-шамыч лагерьысе дежурныйлан рапортым пуаш тўнгальыч. Тылеч вара дежурный лагерь начальниклан рапортым пуаш.

— Начальник йолташ! Лагерьыште чылаже 213 пионер. Чыланат галстук дене улыт!.. Вася мутшым кошартыш.

Вара лагерь начальник Анатолий Сергеевич Кузьминых ойлыш.

— Лагерьым почмашеш шотлена. Флагым нўлташ! —

тудо мутшым кошартыш. Дежурный звена флагым нўлта. Горн йўк шергылтеш.

Варажым ВЛКСМ Обком секретарь Кондратьев йолташ саламлыме мутым ойла.

— Мемнан элыште веле партий ден правительстве йоча-шамыч верч тыршат. Нуно йоча-шамычлан тунемашышт, канашышт, пенггыде кап-кылан, коммунизмом ышташ йўрышўлийын кушкыштыш кугу условийым ыштеныт. Мемнан кугу вождына Сталин йолташ шкеак йоча-шамыч верч чот тырша, — ойлыш тудо.

Лагерь почмо деч вара „Таирысе“ пионер-шамычын парадышт лие.

„Таир“ шке илышыжым тўнгале.

И. Федотов.

МЕМНАН ВЕРЧ КУГУ СТАЛИН ТЫРША

Те, йоча-шамыч, СССР деч посна могай элым шинчеда, кушто йоча-шамыч нерген тыршат? Те мый дёнем пырля ойледа: „Тиде мемнан эл деч моло веренигуштат уке“. Лач мемнан элыште веле партий ден правительстве йоча-шамыч нерген чот тыршат. Мемнан тазалыкна верч, тунемаш верч, веселан канышашна верч тўнямбалсе паша калыкын вождышо

Сталин йолташ чот тырша. Мемнан ончылно чыла уло: тунемаш, наукум пален налаш школ-шамыч, шкенам кандараш лагерь, санаторий-шамыч, молат. Теве шуко миллионан пиялан йоча-шамыч коклагыч мыят иктыже улам. Арын пеле кыдалаш школым Похвальный грамота дене пытармемлан мый „Таирыште“ канем.

Николаев Сидор.

КУГУ ПЎЛЕК

Мый эреак „отлично“ да „хорошо“ отметке дене веле тунем шогышым. Испытанийымат тыгак кучышым. Шкенам отрядыште Сталин лўмеш звенан вожатыйжылан пашам ыштышым. Мыйын звенан школышто эн ончык лекте. Мыйым дирекций ден пионер организаций республиканский пионер лагерьыш — „Таирыш“ колтыш. Кызыт мый тушто веселан канем.

Соловьев Вания.


Сотнур район, Пет'ял пеле кыдалаш школ, 6 класс.

ВЕСЕЛАН КАНЕНА

Мыйым „Таирыште“ звенан вожатыйлан сайлышт. Мланем ответственный паша логале. Звенан ушанымыжым честь дене шукташ кулеш. Мый шке звенан дене канышым веселан эртараш шонем. Шукышт музыкальный кружокышто участвоватлывешт. Южышт коллекцийым ышташ шонат. Художественный литературым звенаштына йўкын лудаш тўнгальна. А вот площадкыштыже модаш могай сай! Тўрлў модыш-шамыч улыт. „Гигантские шаги“ модышым пеш йбротена. Пушыш шинчын „Таир“ ерым лўнгыктыл кошташат пеш йбротена. Военный модыш-шамыч мемнан пеш интересоватлат.

Уракова Настя.

3-шо отряд, 3-шо звена.



Шонымем шуо

„Таир“ нерген мый шукертак шонаш тўнгальнам. „Ик кана тушто канен ончаш ыле“ — шоненан мый. 1937—38 тунемме ийыште чот тунемаш пияжым. Эре отлично да сай веле тунем шогышым. Общественный пашаштат участвоватленам: классный старосталан пашам ыштышым. Морко район, Аз'ял пеле кыдалаш школым Похвальный грамота дене тунем пытармемлан мыйым „Таирыш“ колгышт. Мый нигунамсе деч чот куанышым. Лагерьыште мый утларакшым оборонный значок-шамычлан: БГТО, ЮВС, ПВХО-лан нормым пуэн пытарынем. Адак военный модыш дене модаш, походлаш кошташ пеш йбротем.

Савельев Виктыр.



Фото Свечкиных.

Кугу Октябрьский социалистический революций марий калыкын искусствыжлан пеледаш кумда корным почын



Суретшты: Шола гыч пурлашке—1. Ленинградский консерваторий пеленсе музыкальшты школышто тунемше Вася Яшмошкин скрипка дене у муро-шамычым тунемеш. Кызыт Йошкар-Олаш каникуллан толын. 2. Йошкар-Оласе музыкально-театральный училищын балетный отделеныжын первой курсыштыжо тунемше-шамыч—шола гыч пурлашке—Суворова Юлия, Кудрявцева Ольга, Скворцова Анфиса, Ибаева Настя танцоватла; 3. Казакова Зоя „Восточный танец“ танцоватла; 4. Тромбаным шокташ тунемше Суворов испытанийым сдатлаш ямдылалтеш. Воктеже тудын педагогшо Кириков йолташ. Фото Никифоровын.

Границе вес велне

Фашистский самолет-шамыч французский ден английский пароход умбак бомбым кышкат

Республиканский Испаний ден Каталонийым пучкын палмек, мятежник - шамыч республиканец - шамычым вашке сумырен шуэн, сарым пытарнешт ыле. Туге гынат, чыла тиде ушанымашышт кырыкт. Республиканец-шамыч нунын чыла атакштым пеггыдын чактарен толыт. Адак мятежник-шамычын тылшыштат шуко вере германский ден итальянский захватчик-шамыч вастареш восстаний нолталтеш.

Фашистский авиаций германий ден итальянский правительстве-шамычын кыштымышт почеш Испанийым мирный олашкыже чучкыдынак налетым ыштат. Туге нуно лу дене портым, школым, больницым шалатлыт. Тужем дене шонго, удрамаш, йоча - шамычым пушгедат. Испаний порт умбак чучкыдын кержалыт. Шукерте огыл Аликанте ден Валенсийсе портым бомбардироватлыме годым кум английский пароход чот сусырген. Тулеч вара фашистский самолет-шамыч Дения портышто францийын „Брисбан“ пароходшым бомбардироватлен. Бомбын пудештыже дене пароходшты уло невмешательстве комитетын контролержо, английский офицер Джонс ден английский моряк коленит. Пароход вуд йумак каен.

Фашистский самолет-шамыч Кастельон портышто английын „Айседора“ пароходшым бомбым шуэныт. Пароход сусырген.

Ответ-шамыч

(„Ямде лий“-ын 14 майыште лекше 24 № жым ончо)

Тушто-шамыч:

1. Капкан.
2. Пуля.

САМЫРЫК ТАЛАНТ-ШАМЫЧ КУШКЫТ

Мемнан элыште чыла турло специальностям на-тын кушкыш молодежлан пеш кумда корно почыл-тын. Мемнан элысе калык чумыр туням брыктарыше кугу талантан музыкант, артист-шамыч дене кугешна. Турло калык-шамыч коклаште национальный форман, социалистический содержаниян культур кечын пелед толеш.

Самырык музыкант, ма-рий артист-шамычым ям-дылен шогаш Йошкар-Олаштан музыкально-театральный училищым органи-зоватлыме. Тудо ынде ягыр ий пашам ышта. Самырык талант-шамычлан кушкыш пеш кугу йоным пуымо. Тушко 14—15 ияш йоча-шамыч тунемаш толыт да 4 ий жапыште тале спе-

циалист лийын лектыт.

Теве балетный отделени-йын первой курсыштыжо тунемше Скворцова Анфи-сам налына. Тудо але 15 ияш велз, но тале мастар лийшашыжым кызытак раш палдара. Специальность дене испытанийыште от-лично сдатлен. Тудо курс гычак Кудрявцева Ольга отлично сдатлен. Пионерка Пекуныкина Люба музы-кальный отделенийын под-готовительный курсышты-жо тунемеш. Люба изи год-сек музыкым йората. Пеле кыдалаш школышто тунем-мыже годыммак скрипка де-не пеш сайын шоктен мош-та ыле. Люба музык дене испытанийым отлично сдат-лен. Почеш кодшо йолта-шыже шамычланат Люба полшен шоген.

Театральный отделени-йын первой курсыштыжо 14 студент кокла гыч Гу-беева Надя ден Черепени-на Шура испытанийым от-лично сдатленыт. Подгото-вительный отделенийыште тунемше Сибулатов Вал-лериан специальность де-нат, общеобразовательный предмет-шамыч денат от-лично отметкым налын.

Музыкально-театральный училищыште шудб дене самырык талант - шамыч кушкыт. Социалистический содержаниян, национальный форман культуржым виян-дымаште марий калык тиде школ гыч ий еда у кадр шамычым налын шо-га.

Илян Япык.

Ончыкыжат отлично тунемаш тунгалам

Ныл ий Нолядур тунал-тыш школышто тунемым. Тиде жапыште посредст-венно да плохо отметкым ик кават налын ом ул, эре отлично да хорошо оценке дене тунемым. 3-шо чыры-кыште кум предмет дене хорошо, молыжо отлично ыле гын, 4-ше чырыкыште чыла предмет денат отлич-но сдатлышым.

Испытанийын пытартыш кечыштыже историй дене испытанийым кучышым. Ти-

де предметым мый поснак чот йоратем.

Мый изинекак музыкым пеш йоратем. Садланак ачам гармоньым налын пуэн. Ынде шуко мурым сайы-нак шоктем. Кенгеж кани-кулым сай эртарен, шыжым музыкальный школышко тунемаш каем. Туштат отлич-но тунемаш тунгалам му-тым пуэм.

Шалаев Геля.

Нолядур тунгалтыш школ, Йош-кар-Ола район.

ПИОНЕР ПАШАМ ТЫГЕ КОДАШ ОК ЛИЙ

Медведево пеле кыда-лаш школ пелен (Йошкар-Ола район) 9 отряд, туш-то 249 пионер уло. Вожа-тыйлан Садов Николайым сайлымек паша пеш начар каен. Теве 5-ше „Б“ клас-сыште теле гоч улыжат кок сбор веде лийын. Пер-войжо организационный погынымаш ыле, весышты-же звеновой ден горнистым сайлыме. Тудлеч вара ни-могай пашат каен огыл. Каникул деч ончыч канику-

лым сайын эртараш нер-ген мутат лийын огыл. Кы-зыт пионер-шамыч жапым ко кузе мошта, туге эрта-рат.

Пионер организацийын пашажым тыге кодаш ок лий. Отряд вожатый Садов йолташлан пашам кызытак виягдаш пияшмыже ку-леш.

Отлично тунемше

Овчинников П. П.

5-ше „Б“ класс.

Похвальный грамота мыйым эше чот куандарыш

Тунемме ий тунгалме го-дым мыйын тунемме пашам начаррак каен шогыш. Ко-кымшо чырыкыште саете. Кумышо ден нылымше чырыкыште адакат виян-рак тунемаш пияжым.

Мыйын тыршымем арам ыш лий. 20 май кечын пеш кугу куанымаш дене испы-танийыш мыйышым. Испы-танийын первой кечышты-же русский язык дене дик-тант лие. Кудымышо клас-сыште мый ышкетын от-лично возенам. Тидыже мыйым эше чот куандарыш. Моло предмет-шамыч денат испытанийым отлично сдат-лышым.

Пионерыште кумышо ий шогем. Отрядын ушанен пуымо пашажым сайын шуктем. Тений шкенан школысо „Тунемше“ луман пырдыж газет редакторлан шогышым.

Тунеммаште почеш код-шо Соколов Алексей йол-ташмемлан ончык лекташы-же полшенам. Руш йылме дене тудат сайын сдатлыш.

Смирнов Алексей.

Параньга район, Ильпанур пе-ле кыдалаш школ.

Мемнан календарьна 11 гыч 18 июнь марте

11 июньшто (1899 ийын) Российыште первой радио установка почылтын. Ра-диом руш учоный Попов изобретатлен.

12 июньшто (1920 ийын) Йошкар Армий Киевым белополяк - шамыч деч утарен да тушко пурен.

13 июньшто (1811 ийын) Виссарион Григорьевич Белинский шочын.

14 июньшто (1897 ийын) руш пашазе-шамыч пер-вой кана, 1896-1897 ий-лаште стачке - шамычым ыштыме кышт сентымашыш шуыныт: паша кече 11 ча-сат пеле марте волгалтын.

15 июньшто (1925 ийын) Казахский Автономный ССР ышталтын. Сталин-ский Конституций почеш 1936 ийыште Казахский республик Союзныйыш савыралтын.

16 июньшто (1671 ийын) Российысе кресаньык-ша-мыч восстанийын вожде-шо Степан Тимофеевич Разиным казнитлен.

17 июньшто (1818 ийын) знаменитый французский композитор Шарль Гуно шочын.

18 июньшто (1936 ийын) кугу руш писатель, ком-мунизм верч кучедалше Алексей Максимович Горь-кий колени. Тудым троц-кистско - бухаринский фа-шистский бандит - шамыч пуштыныт.

ТОШТО стабильный учебникым УЖАЛЫЗА

ШКОЛЬНИК-ШАМЫЧ!

Тешке школыштыда вес классыш куснен улыда. Тендан тошто, кучылтмо учебникда кодын, тудо тлан-да ынде огеш кул, но тендан изирак ийготан йолташда-шамычлан кулеш.

Тиде учебникым КОГИЗ магазин ден киоскылашке ужалыза!

ШАРНЫЗА! КОГИЗ-ын чы-ла магазинне ден киоскшо-шамыч тошто ста-бильный учебникым налыт.

Врид. отв. редактора— И. АЛЕКСАНДРОВ.

МЕМНАН АДРЕС: Йошкар-Ола, Марий АССР, Совет порт, 25-ше №-ан пблем, „Ямде лий“ редакций. Телефон: Совет портын коммутаторжо, 82-шо №.